

兩
浙
名
賢
錄

兩浙名賢錄卷二十目次

經濟

明四

右都御史沈汝柵子木

子微煇微煇微煇微煇附

湖廣左布政馮汝迪叔吉

子若昌若舒附

淮安府知府范子美櫝

右都御史吳時來

湖廣提學副使顏應雷鯨

吏部尚書張子文瀚

四川按察司副使葉際清應乾

父允揚附

吏部尚書陸與繩光祖

兵備副使陳履卿茂禮

兵部左侍郎宋思文應昌

貴州按察使陳觀甫順正

雲南布政司左叅政陳忠甫觀

都察院右僉都御史金子魯學魯

贑州府知府顧朝肅鈐

都察院右僉都御史鄭汝璧

右僉都御史江士振鐸

僉都御史陸無畦萬垓

都察院右僉都御史鍾維新化民

江西左布政使沈箕仲九疇

兩浙名賢錄卷之二十目次終

兩浙名賢錄卷之二十

東海徐象梅仲和氏譔

黃國何履貞仲方氏閱

經濟

明四 共二十一人

右都御史沈汝楠子木

子儼紹做序做恒附

沈子木字汝楠歸安人登嘉靖己未進士第授當塗縣知縣會景王之國所需不貲從闕又橫索時太守有心疾將箕歛於闕右以供子木裂眚爭之乃已子木又謂

王長史曰王而體天子意者必軫恤吾民不使擾民非王意有私索者請奉三尺治之長史啓王王曰此賢令也卽日命從官揚帆去明年歲飢賑救有條民不知其無年擢虞衡主事領盛甲厥厥有中貴主之物料半侵牟戎器具數而已子木立召工匠嚴諭之曰若更不覩庚戌事邪虜酋入寇兵甲不繕主者皆獲罪若何玩愒乃親視器必期精好不中程者輒毀弃令重治之中貴鉗口莫敢吐氣癸亥虜果猝至通州禁軍出禦敵戈矛弓矢之屬分給至十三萬有奇皆堅利可用雷司

空禮大嘉賓之曰此實心任事者使人人如此何職不
舉未幾遷都水員外郎是時上居西苑離宮別館營
建甚多子木亦兼領上方工作皆身拮据其間省水衡
金錢萬計會河決徐浦進郎中領南河晝夜宿河上告
成晉秩一級出爲建昌知府前此江右有洞夷警郡募
兵爲備多江北人久之譏罷奉令者失調護諸卒呼噪
不散勢將爲亂子木急馳單車往諭之曰汝輩誠不畏
死乎勁兵在近壤撲滅汝如踏螻蟻耳汝作數百橫死
鬼痛矣今爲汝請九十日糧供衣履之費以行脫介冑

反故土不亦善乎皆感泣搏頽曰公實生我遂羅拜去
是日微子木幾殆摧廣西副使領右江兵備柳州有懷
遠縣寄萬山中四面皆徭縣令寓郡遙領之不入縣而
令馬希武者慙喜事妄議城焉子木曰此示之疑也徭
將生心而直指李良臣與馬有連主其議城未半諸徭
已警警譁馬猶不省謾爲大言無何變起竟殺馬令
上震怒命急剿之而開府郭應聘重發兵檄府江還兵
擊之故事土兵十月出師二月罷歸田作檄至已正月
東裝待歸復驅之遠征已懷怨會道中又大雪沒膝乃

粵中數十年未經者不勝苦遂烏獸散賊知之將奮力
犯我同事者與子木俱駐融縣去賊止三十里議棄融
還子木曰此引盜自逼也吾一退諸屬邑如破竹矣密
期總兵平蠻將軍李公錫都指揮黃鸞率浙兵三千直
趨長安鎮扼其隘口賊怖不敢出乃徐調諸營兵六千
土兵三萬分道進剿連破七十餘砦斬首三千餘級獲
故懷遠縣印戮其酋督府疏聞上嘉之賜白金文綺
晉右叅政仍領右江未幾與廣東夾剿羅旁窮其穴拓
地千里以功晉布政使爲忌者所中降湖廣右叅政督

轉漕尋晉按察使遷山西右布政尋轉左晉中大飢饉
鄭俠繪流民圖奏上得捐帑金十萬爲賑因命吏爲粥
以飼餓人全活者甚衆晉右副都御史撫山西督雁門
等關軍務撫晉三年功爲九邊最制府疏聞賜金綬者
三人爲兵部右侍郎以父喪歸無何而閱視者有言謂
南京家食者且八年起南京太常寺卿閱掌故見懿
文太子四時有祀而建文君獨無心竊痛之乃疏曰
皇上以孝治天下殆三十年欣承祖宗諸盛典無不
登舉獨建文祀久闕未有言臣竊謂建文君高

皇帝孫懿文太子嫡長子五年御宇統順系明卽當
成祖時且用先臣王景之議以天子禮葬遣官致祭輟
朝三日則成祖之不欲廢其祀可知也相沿至今苑
無成說生爲金潰玉牒之主沒銜斷蓬飛草之怨若敖
含餒伯有無依不亦悲乎皇上御極初年特念死節
諸臣下褒祀之詔伏讀制詞有曰仰遵聖祖遺意褒
表忠魂夫忠於建文者且祀矣乃建文獨不得祀
邪弘治時禮部主事楊循吉曾以景皇帝爲比議追
謚夫謚固當議則祀尤宜急議今世所疑者不過謂儉

次間稱號難定。是不知禮以情伸。數緣時降。第獲豎簪一組。猶愈於湮絕弗存者。臣愚以爲留都誕育之區。臨蒞之地。生所憑依。魂魄不遠。宜卽其處。或祔於高皇。帝之側。不則懿文太子之側。廟祔弗淪。儀典斯秩。累朝未備之禮。今日集其大成。列聖未慰之靈。亦將惟欣交暢於皇上之善繼述矣。奏上下禮部議。如所擬。覆上不報。然時論譴之。轉通政使。乞身不許。晉南京右都御史。稱疾不赴。歸已酉。以病脾卒。年八十有二。子本狀貌魁梧。昂然挺立。爲人慷慨多大略。汪洋千頃。莫可

涯洙居官不上虛聲所經畫皆久遠計崇理學工文辭
有著述數種藏於家子四倣炤大名通判倣焯南工部
郎中倣炆見官南京兵部尚書倣桓貢生

湖廣左布政馮汝廸叔吉

子若呂若舒附

馮叔吉字汝廸其先出南唐二延尚書後徙慈谿代有
偉人父熒爲諸生時與從兄司寇岳憲副璋齊名娶錢
氏生子三叔吉其長也年二十舉嘉靖壬子鄉試第四
人癸丑成進士除泰和令當是時叔吉以子奇之齡河
陽之表買生之文宰百里人望之如神仙或謂喜修文

者武事未必備定五革隱五刃終非吹霜噴露寒暑筆
而者所能辦而會洲之龍旱塘之湖二窟者聲勢相倚
并出輒署里閭口某日劫西鄉某某日劫東鄉某吏提
手莫敢問叔吉廉賊左右隣與有連者密逮之至論曰
若隣賊而府賊府賊名窩罪浮於賊吾姑貸而窩凡賊
入城而先告吾無泄語有泄者先且族而家於是嚴城
甲宿互據者禁徑踰者與以兵革趨行者一意伺賊入
水路頃之一賊魁入城隣以告立擒之其黨未知所出
數日復一擒之居數日又復一擒之賊徒震懼匿旁

空舍不敢出。叔吉乃令鼓人。攜鐸。羣吏。弊旗。車徒。無作。銜枚。直抵其穴。一鼓殲之。盡俘其妻孥。以歸。於是四郊。五涂。戶戶不閉。邑故有土城。而未甃。叔吉日。家以坦。籬。隈。閭。爲城。國以山河。城郭爲護。金城。鍤郭。寇不敢賊。吾。豈以門戶爲戲。經營爲擾乎。乃雉之軌之錯之不傾之。地。卽言者交口不便。勿顧也。後七年。而粵寇至。民依城。以完。僉曰。馮侯生我。未幾。召入爲小儀。尋丁內艱。中。詔。破。察。左。遷。兩。淮。運。判。擢。徽。州。丞。遷。守。池。州。進。江。西。憲。副。復。左。遷。晉。少。叅。會。盜。掠。蕪。湖。藏。遂。移。江。南。備。兵。是。時。

大江之濱東自武昌以會於大雷西自豫章以通於秦
淮物衆藏奸地寬長孽於是萑苻之間潢池之警在在
而是叔吉於濱江設皖城荻港二營置二樓舡舡有帥
翼以戈舡數百艘艘以旗幟爲別而又設梭舡游檄江
上以察軍慝博謀賊嚴夜行行者執而歸其舡之首於
於長江上下數千百里鐸振旗作鼓行錫鳴若常山蛇
首尾相應有警則江山搖動林壑飛騰楊么李成之徒
亡所厝趾買人子弘舡巨艦連舫接艦風停雨歇卽野
泊如登堂與江賊旣遁鯨鯢不波而又虞其恣於陸也

乃議城蕪次城銅陵城望江城桐城築清溪隄護以千
柳選材官分制諸要害以一參軍爲中樞以二萬戶爲
犄角又部署良家子弟爲土著百道亡飛走之虞金陵
鞏金湯之固江右蕪浙諸隣封亦俱枕枕上矣復從江
南轄楚右丞尋晉左僅僅一年議通錢法更定江防申
飭漕艘劑量宗祿鈎校賦役井井有條無何而丁外艱
歸遂絕意仕進屏居文溪山中不復開口談世事惟一
意督訓子弟甚嚴二子若呂若舒次第舉應天舉南宮
遂有名筆而復以其訓二子者訓從子若愚及婿張九

德俱以妙齡成進士。駿駿登臚。仕未艾也。說者謂二題
尚書大馮君小馮君。今復見於慈云叔吉爲人。個儻負
大節。氣局宏廓。而內周詳。爲國家肩巨任重。不避僥怨。
法所不可不移。如山斷在必行。雖賁育不能奪。歷仕凡
三十年。其經濟大略。出自天授。精神所鼓。金石爲飛。雖
簿書猥瑣。靡不精核。而籌畫兵務。尤其所長。孰謂修文
者而不必諳武也。然負氣巖巖。耻屈意權貴。而忌者亦
用此修郅。故終不能取大位。掄材者至今惜之。卒年七
十有二。所著有文集若干卷。視道七議。江防十議。若干

卷藏於家

淮安府知府范子美櫝

范櫝字子美，會稽人。嘉靖庚戌進士，授工部虞衡司主事，管節慎庫。蒞事日，啖餅數枚，以庶謹稱。得時譽，當事者因欲致之門下。櫝不肯往，以是差滿換職。需二年始補刑部進員外郎，歷郎中，出知淮安府。時倭驟犯鹽城，轉掠廟灣，實淮安地。櫝行次徐，得報疾，馳詣郡。時督府集兵五萬七千人，分十七營以禦之，而櫝所自將卒，屯菊花溝，以扞城。晝繕兵械，宵嚴守備。時荒後，府藏虛竭。

諸軍所給餼日千石餽者三萬人商賈稀少食糧告饋
槓。梟。榜。增。糴。價。招。之。是。時。廟。灣。賊。方。發。民。屋。魔。增。築。堡。
因。塩。商。積。粟。爲。持。久。計。槓。度。賊。勢。未。解。慮。餼。不。繼。言。於
漕。臺。請。發。數。萬。金。告。糴。湖。廣。漕。臺。難。之。而。先。軍。門。已。截
留。運。糧。五。萬。石。槓。竊。計。卽。彼。聽。而。上。請。朝。論。未。必。從。卽
從。亦。緩。無。及。乃。槓。發。帑。金。三。萬。兩。六。道。往。糴。五。旬。米。至。
就。缸。中。減。價。糴。之。頃。得。銀。三。萬。償。糴。本。而。空。獲。米。五。萬。
石。軍。典。給。足。卒。以。殲。賊。兵。事。甫。罷。而。景。藩。役。興。王。舟。之
涉。淮。也。從。彭。城。達。於。寶。應。供。頭。千。里。舳。舳。萬。餘。艘。兵。衛。

夾塗錦纜而牽者五萬人兩涯各除道五丈直民廬輒
撤之櫓傍廬置敝舡覆土板上望如平地居者以安時
諸郡括丁夫俟役呼召甚棘櫓略不爲儲待漕院大憂
之召爲語櫓謾曰明公在何處耶怫然曰乃欲委罪於
我我一老夫何濟曰非敢然也獨仰明公斯易集耳曰
奈何櫓曰今王舡方出糧舡必不敢入閘比次坐候日
費爲難今以旗甲守舡而用其十人爲夫彼利得餽直
趨役必喜第湏一紙牌耳曰如不足何曰今鳳陽以夫
數萬協濟於徐役畢必道淮而反若乘歸途之便資而

後之無不樂應者則數具矣。都御史大喜稱服。檣進曰：「然而無用也。」復愕然起曰：「何故？」曰：「方今上流蓄水以濟王舟，比入黃則各關皆洩，勢若建瓴，安用衆爲？」曰：「是固然矣。」彼肯恬然自去乎？曰：「更計之。」公勿憂。都御史歎曰：「君有心計者，吾不及也。」先是光祿寺劄沿途郡縣具王饌，食品珍異，每頓直數千兩，檣袖大明會典爭於撫院曰：「王舟所過州縣止供雞鵝柴炭，此明證也。」且光祿備萬方玉食以辦此窮州僻縣，何緣應奉乎？撫按然之，爲咨請禮部，部更奏令第具饌，直王頓二十兩，妃十兩，省

供費巨萬計。比至，檟遣人持鑰金逆於塗。遺王左右曰：「水渾難泊，惟留意。」於是王舟貧窮日行，水漂疾如激箭。三泊，供祇千三百。比至儀真，而一夕五萬矣。時王重載出羣盜謀劫王布黨起，天津至鄱陽分徒五百人往來游奕。一日晚衙罷，門卒報有貴客入。僦潘氏園寓。孥者曰：「有傳牌乎？」曰：「無有。」命誦之。報曰：「從者衆矣，而更出入，檟心疑其爲盜也。」陰選健卒數十，易衣帽如庄農。日若往視其徒入肆者，陽與飲。飲中挑與鬪，相搏，繫以來而戒曰：「慎弗言捕賊也。」卒旣散去，檟命與謁客。西門過街。

市博者前訴卽收比反得十七人陽怒罵曰王舟方至
官司不暇食暇問汝聞乎叱令就繫入夜傳令警備而
令皂隸飽食以需漏下二十刻出諸囚於庭厲聲訊曰
汝輩謂官府當出迎王而欲乘空虛爲亂吾久知之徒
送死耳咸叩頭伏曰奴輩當死侵晨捕賊首已遁其孥
媼也於是令飛騎馳報徐揚諸將吏而斃十七人於杖
餘賊潰散是事微積且不測疆吏皆悉誅死矣居無何
而玉帶城之役復起淮安故兩城新城者南宋時築也
時亂後漕院以其多備也議合之檟意弗同漕院怒遣

舉之身自爲植。工竣命曰：玉帶繪連城圖，大享勞羣吏。令人邀檟，檟固讓不往。出行城上，歎曰：此城患也。務大難固，速成不堅，是功必敗矣。漕院聞之，愈憾。於是搜遠歲逋租爲罪，劾奏之，得旨奪一階。而檟竟拂衣歸。去之日，郡人扶携悲戀。婦人女子皆登埭而號，或騎馬擎舟尾之。川途爲隘，踰數百里至江而後返。檟於學以力行爲尚，每談論經史，風旨超邁，終日不倦。敝衣徒步，遇之者以爲老生。其論事明足蚤知，勇足立斷，仁足堅守，刀斬鏡別，毅然不移。惟識與力可謂兼之矣。卒年八十一。

所著有洗心格言、觀史雅言、首尾吟等集行於世。

右都御史吳時來

吳時來，台之仙居人。登嘉靖癸丑進士第，授松江府推官。會倭夷發難，盤踞柘林，以窺內地。而郡守時且臥疾，時來攝城守，復奉巡臺檄爲監軍。乘城旅宿，戒登陴者各以死守。募巧匠作墨守之具，無不堅備。復作火砲佛郎機、鳥銃諸器，教士爲連弩，一發十矢。予矛槊必習，分屯四郊以備聲援。而寇勢逼甚，上女趨保於城者以萬計。或議鍵關止之，時來厲聲叱曰：「設城以衛民也，以民

委賊而抱空城所守幾何悉縱之入入而無居者爲擇
閒曠地舍之又城隘民衆壅污蒸染因大疫時來乃四
啓水關俾輸薪穀者因其歸舟載穢滯出之又多置藥
餌躬率醫視療疫良已郎土諸路兵至吳總臣計犒逾
時衆大譟及至松撫臣屬時來除備時來度水道所由
就福田禪林外立營令土官以兵至者各署部伍舟人
導之人以次受犒惠均而費不冗諸營帖然客兵素饒
悍剽掠卽不異寇時來用贊畫者言爲好語結其酋長
數輩日率之以徇於郊刀斗相屬酋或弗戢呼其長縛

治之迄終事無敢犯者比總臣移鎮境上有親兵取人
一縑時來輓之數十總臣怒召時來庭讓之時來不爲
動徐對曰公奉命用兵以安民也顧底兵以殃民乎總
臣愧而止明年四月寇猝至攻城雨甚城崩西南隅十
餘丈人情洶洶時來盡撤屯戍第以強弩數十人扼其
衝總臣以爲危時來進曰兵多見弱稍示之暇彼將不
虞且淖寧安能登卽登從高磴之易耳總臣謝不及時
內徙之民薄城而居類以苫蓋時來慮爲火箭所及亟
撤之而陰識其姓名於屋材夜選卒運之城外以爲木

柵杆修城者卒皆股栗無敢前時來首馳一騎出南門
皆從之平明柵畢三日而城完復以柵材還爲民屋則
固向所識也賊知有備棄而北走將突南都時來建議
曰欲窘賊所如顧方略何如耳第決震澤水斷松陵道
賊能飛渡乎尾其後而擊之賊皆成擒矣當事者從之
急檄吳江令泄湖水出平望趨潞山湖嚴以水兵塞諸
隘賊果由橋李道平望阻水不得進徘徊一隄中自相
蹂踐我兵出其不意先後遮擊之斬首三千餘溺死者
無筭此王江涇沈家庄之大捷語備倭者至今快之而

本始所爲。繫時來首謀也。視師者忌之。抑其功不上。僅以治最。召入爲刑科給事中。當是時。分宜父子橫甚。歷其才者。無不立碎。時來疏其不法事。以中旨逮。詔獄廷杖。得不死。遣戍嶺表。隆慶改元。起自行中。游晉南京都察院。右都御史。閱視江防。與時宰不合。拂衣歸。時來爲人性慷慨。負奇節。於書無不讀。而其諳解。韜鈴則天性也。方倭之犯松。儒吏愕顧。城之不陷者。纔如累卵。時來初官司理。無守土責。顧慨然以一身肩之。出入危城。躬履行陣。臨敵制變。所至見奇。固溝壘爲金湯。作羸弱爲。

龍虎障蔽全吳保寧畿輔跡其所就視當日之建旄秉鉞者爲何如及事既定而大吏蒙璽書之褒將士受不貲之賞時來獨隱默不言若未嘗身與其事者此非公爾忘私國爾忘家者不能宜其立朝而以忠節顯也說者曰公以經濟之才失忠貞之節故其建立表豎偉絕一時時論以爲允

湖廣提學副使顏應雷鯨

顏鯨字應雷慈谿人生而穎悟絕人幼學卽慨然志古聖賢徃徃離訓詁自爲悟解洞窺性理兼心高亮規行

矩步不媿姍隨人以澄清天下爲己責嘉靖己酉舉於鄉適母喪廬墓三載丙辰始第進士授行人拜山西道監察御史巡視京通等倉時富人馮漢者怙定國勢貸子錢漕卒沒漕糧梗漕政定國方有寵巡漕使者噤莫敢發鯨方在事軍民投牒故陽不爲理漢意鯨庇己果持定國書來見卽時出所告牒考訊皆伏論殺之又請裕邦儲飭漕政四事皆稱旨施行故事錦衣衛卒驕悍給餉之時擇請倉廩惟便鯨下令禁軍官軍一體惟官所界不得自請復議罷海運倉廩餉之至今出按河南

省驛通冗費以藉民力中使相戒毋入洛境是時伊底
人典樸者生而兇回走金錢京師內結毛尚兩貴人張
王二常侍外及臺省樞要分宜父子尤力爲地上所
爲立報所疏請立下又多布健兒飛騎自河北湊京師
爲耳目招集亡命商洛懷孟間鑛盜鳴鏑之雄爲爪牙
諸所爲不法罪惡萬狀日伺上春秋高詔中朝有故
卽發監司莫敢誰何先是鯨將之中州詣華亭徐文貞
相國請曰有如輜車鍛矢卒起兩河誰爲仇咸寧王伯
安者相國默然良久曰彼內援深耳目廣黨與衆矣寧

夏南昌之甲錯實挑之鯨曰正德時奸諛在朝人情皇
恐今天子攬綱結網何寡可乘試以嫌疑離內交何
所不貳以鉤距獲耳目何所不濟以生死奪羣黨何所
不孤數校尉足辨矣願捐七尺爲國殛之相國大喜鯨
馳至河南以叅政耿隨卿往隨卿倜儻多奇略謂鯨曰
洛陽所能縱橫四十年承奉王鑑有心計凡公所爲彼
力能破之隨卿故識其人謬爲心膂是可說而下也鯨
曰諾隨卿遂一夕潛詣鑑見鑑而無言問亦不答第微
視鑑歎息已而相對坐久之垂淚起頓足不休鑑心疑

問故隨卿乃屏左右曰若死期至矣伊瀆敗矣馬將軍
奉密旨以京軍入洛爾名在黨惡且奈何因出微示鑑
鑑故厚隨卿不疑相與伏地泣曰耿公生我隨卿復謬
曰吾無以脫爾請爲若交於御史御史得若輪心共計
且以若有徙薪功寧獨無死鑑遂潛與隨卿來見鯨正
色斥鑑所輔王諸不法狀隨卿謬從旁解之鯨曰爾第
反罪爲功吾當貸爾一死鑑頓首惟命遂與鑑約凡府
所議輒以報始定擒庶人計鯨念貴人常侍爲庶人中
詞疏上格不下卽下諸河北飛騎旦夕且報庶人先矣

乃奏記相國相國以間說諸大璫中援遂絕御史溫如璋洛陽人備知飛騎主名潛以授鯨因上書大司馬言狀大司馬爲檄五城及河北監司同日逮捕無一人能由是京師事庶人不得聞時庶人護衛暨所招亡命尚萬餘人橫行洛城中鯨念郡國不可無兵發兵則提人心適汚寇起鯨檄郡國集兵東大梁則駐汜水扼虎牢西商洛則駐武關南汝寧則守熊耳北懷慶沁濟則扼河津各集部伍乘城列隘以備汚爲名召王鑑齋牒數千人入玉宮以散其黨遂上疏劾庶人抗旨矯勅淫虐虐

回僭妄不道之罪十請亟正法上可其奏遂下庶人鳳陽獄國帑沒入其貲鯨念兩河苦庶人虐焰宗祿乏供數百萬諸宮人多強奪民間女護衛多亡命請以沒入金錢補祿糧賑兩河軍衛補缺伍官女散民間得旨報可而羣瑄以無所乾沒造蜚語上聞事幾殆徐相國馳報鯨勿堅持爲身家累鯨不可曰從中官是滋蔓也鯨本以百死從事死而可爲兩河赤子且甘之後相國往說陳王二常侍事得寢先是錦衣緹帥得辟召諸校受諸俠少金爲署名籍中作妖書左道誘富人子弟習之

復相與發其罪以爲功得陞賞列侯奉使所過候館驛
然諸藩苦之諸藩中使進奉輒駕龍舫所過橫苦鯨請
校尉缺從大司馬銓補錦衣不得自署冊封改用文臣
諸藩進奉遣屬吏不得用中貴人遂爲定制時德安接
壤汝南多竊盜宣大總督駐懷來去邊遠黔沐專兵柄
漸不可制鯨請改德安屬鄖陽宣大總督駐陽和而雲
南置撫臣得專制皆報可戶部主事海瑞言事切直
上怒杖濱死下錦衣獄且論辟鯨與給事中馮成能昌
言於朝曰諫臣不能言而部臣言之已可媿死奈何坐

視令主上殺直臣乎時相感其言瑞得不死九月提督北直隸學校以立志主靜克己諸條頒示諸生士皆顧化先是都督朱希孝受富人金補校尉諸列校要郡連上產千百計不供縣官賦抑小民代輸大興令高世儒爲平賦法令羣役均差希孝劾世儒梗令甲侵勲衛上可其奏莫敢爲辨鯨抗疏爭之略曰明王不私倖臣良臣不顯市利緹騎盡富人子不占賦而賦獨病貧民今爲貧民請命世儒無罪罪在緹騎上怒謫湖廣安仁縣典史陞寶慶府推官南京武選司主事改南京吏

部文選司郎中、湖廣提學副使所頒條約一如北畿士習文章爲之不變。時夷陵王篆以相門客爲考功郎，願指當路，囑祀其父鄉賢祠。鯨嚴詞卻之。楚王舅王朋橫惡爲給事中辛自修論列，朋行萬金賄不赴理。官楚者以朋爲金穴，莫敢問。時鯨視總憲篆，獨置之。法論戍邊王及諸大夫皆爲朋請，不爲動。武昌夜失囚，鯨聞報起視堂皇，立發十餘檄，檄沿江巡司詰朝次第就縛。二年四月，校士湖南，宿雲溪館，悟格物之旨，遊南嶽，著祀南嶽文如春陵，祭瀟溪先生，過寧遠，著舜陵辨。九月，至長

沙偕諸生遊岳麓大合一十三校之士郡邑大夫諸學
博士會於岳麓席地旁列陳詩雅歌發明心體十月還
武昌斥伍大夫員不得祀復大會諸生於漁溪書院論
孔顏魯孟著原性訂學諸篇後試恩貢以忤時宰左遷
山東叅議鯨初以書抵執政有宰相位極人臣所患不
足者道德功勛既修世廟實錄核楚事闡潛德崇真
儒時宰以爲異已遂以試貢事修執鯨了無愠色亡何
而新鄭秉銓王夷陵以父故銜鯨從旁贊之假以大計
奪其官鯨林居介特不問家生產奉餘散宗黨窮交表

租食糲日以講學著書爲事丁丑正月集同志講學於
慈湖書院著慈湖定性規一卷又著銷兵聚兵及金鑑
不可開議十七年丁丑著易學義林書成歎曰昔孔子
五十而願學易其讀貴之繇鼎革之際三致意焉蓋玩
之終其身至耄編三絕今吾竊有志焉吾藉以卒歲矣
若有前知者越二年卒年七十有五鯨歸田十有三年
會神宗皇帝收召遺佚科臣鄒元標首疏於朝自前
惟貴淹抑狀請破格擢用嗣是而臺使者歲列薦剡前
獲凡十八疏當事者竟以常格題詔准先朝直諫厲汝

進例用湖廣提學副使致仕卒之日士民哀之如喪考妣未幾其門人祀之於慈湖學使者祀之於郡邑而楚人郭正域爲之論曰顏先生窮理似王伯安剛直似海忠介清貞似薛文清卓犖似劉忠宣使顏先生而在孔門則四科之列靡不合矣君子以爲知言

吏部尚書張子文瀚

張瀚字子文錢塘人登嘉靖乙未進士第釋褐南工部都水司主事內艱服除補刑部陝西司主事歷員外郎出知廬州府甫下車卽葺宋包肅公祠爲文以酢謂孝

肅風裁節。槩山斗百世。乃人徒稱其摧折。擊斷而未知其有體要也。故瀚治廬。一倣孝肅故事。先教化而後刑罰。一時翕然向風。稱大治。無何以外艱歸。服闕補大名。其治大名也。一以治廬者治之。庚戌虜酋薄都門。詔遣司馬郎一人持節徵四郡兵入衛。使者馳至真定。諸守相錯愕。且難庭謁禮。躊躇久之。瀚聞報。以募召游食。飢附飽颺。不可用。披所屬編籍。選丁壯三十之一。卽令三十人治一人餉。得精銳八百人。馳謂諸守。此何時也。而與使者爭苛體乎。司馬郎誠不尊於二千石。顧春秋之

義以王人先諸侯。要使令行威振耳。藉令傲然格使者。
令謂勤王何。諸守色動。遂俱入謁。瀚首請使者。閱師。僞
者岫然曰。何速也。北闕師。則人人精銳。絕出望外。使者
乃歎服曰。張守文武才。銓部察瀚兩郡循吏。陞陝西按
察司副使。備兵潼關。歲侵大發。粟所活數千萬人。亡何
遷廣東叅政。被誣劾。聽調三年。補四川憲副。遷福建叅
政。轉山西右轄。直指某者。欲庇私吏。不得。詰瀚所。釐重
藩司夙弊。反以爲罪。疏上。瀚卽治行。當道復議。譴時陞
光祖爲吏部郎。爭之曰。如瀚者。安得以浮議奪之。且銓

部省各一人。凡以采鄉評杜誣讒也。祖與瀚同省。稔知其賢。必欲調瀚者。寧罷祖。然猶以兩請奉旨得留用。尋除陝西左轄。踰年陞都察院右副都御史。出撫陝西。瀚歟。歷久熟諳西事。固原防秋期滿。當撤戍。瀚謂。冬防兵至。乃撤。不旬日。吉能蹂米入犯。防秋兵出擊之。斬賊五十餘。本兵不爲敘。陞大理寺卿。時終南山饑。民嘯聚。當事者議剿。瀚謂。此屬迫於飢耳。檄郡丞單車諭之。即日解散。入赴大理。多所平反。陞刑部右侍郎。尋轉兵部左出鎮鳳陽。督漕運。亡何而改撫兩廣。時嶺南寇賊克。

斥曾一本暨揭陽楊子亮潮州林金大浦馮成之各擁
衆數千。島夷又乘風入寇。瀚殲賊於揭陽。賊其魁已而
俘。金轉戰海上。大破之。捷聞。詔賜金幣。瀚以一本勢張
甚。由左廣大帥選悞偏裨不用。命以致猖獗如是。乃悉
論如法。而檄右廣總兵俞大猷馳赴幕府。指授方略。會
嶺幕兵變。殺一參將。自髡而走。倭瀚聞變。卽遣中軍李
峩馳擊之。擒首亂并獲倭酋。回兵卽與大猷夾擊一本。
賊渠授首。餘黨悉平。先是言官阿政府意。論瀚業奉直
錫秩二級。適左廣賊平。僅復原官。而功無所敘。新鄭人

相起撫陝西尋陞南京右都御史再進工部尚書時太宰楊襄毅病免廷議推擇三人殷瀚名以聞上謂瀚聞望素著超次特簡瀚辭不獲則毅然以正百僚爲已任私交請謁一切謝絕務在崇實政達真才兩司大計舉卓異者二十有五人請上賜宴若令貪殘者逮遣及司京察亦如大計事所黜陟悉當材品一時銓路爲之肅清上愈重瀚凡圓丘方澤視牲攝祭諸大禮悉舉屬之考績加太子少保賜寶鈔上尊肥羜以示寵無

禮如江陵喪父不解政忽傳中旨眷留令吏部往諭江

陵亦自爲牘風瀚使留已曹郎請覆議瀚若不論其意者謂政府奔喪當以殊典卹之宗伯事也何關吏部江陵復令所善客說瀚弗聽已有詔切責謂瀚奉諭不謹無人臣禮於是廷臣惴惴交章奏留御史大夫名彊直至不能自持瀚獨撫膺太息曰三綱淪矣江陵益怒睨臺臣首劾瀚省臣繼之遂奉旨致仕瀚北面稽首曰臣髦不能任國事然寧負相君不敢負陛下辭歸而與同郡縉紳年踰耆耄者二十餘人徜徉山水間觴詠談嘯聯翩鶴髮望之如羣仙然論者以爲不減香山洛下云

歲戊子去江陵敗已七年 上念漸舊德詔所司月給
廩廩之庚寅當杖朝之年詔所司存問如令甲癸巳以
天年終計間賜祭葬謚恭懿 太史焦竑論之曰當江
陵柄國時推太宰兩京六卿間論次先公者十人論推
先公者兩人乃公特見簡拔人豈不謂江陵私公其後
九卿連牘留之而公獨持大義以抗脅之以肯不動說
之以客不動恐喝之以臺省不動乃知公固非江陵所
得私也公韻度灑灑人自以爲可親乃大節所在凜然
不可回奪此豈可以世俗窺者哉故海內數十年望公

如清鑄大敦又以爲巨川喬嶽庶幾其復與雲雨爲天下澤也可謂知公矣

四川按察副使葉際清應乾 父允楊附

葉應乾字際清慈谿人父允楊同知灤州應乾年十六隨父之灤以故籍克京校弟子庚子領順天鄉薦越六年而成進士授高安縣知縣考最陞南京刑部主事進員外郎改駕部郎中聞灤州計奔喪歸而忌者誣以匿喪竟用京考鐫秩服闋補兩淮運判以薦同知揚州府事時時代守爲政會景王之國他郡多以供帳不辦致

有煩言。應乾率所屬踐更迎之湖濱。厨傳井井具設。從事歛戢如無事。然而興化有重賦萬餘。邑人苦之。邑貴人力秉樞柄。欲移之他邑。以庇桑梓。應乾曰。興化固竭澤奈何。以隣國爲壑乎。固以代庖。辭坐是失貴人。惟勿恤也。遷南昌府知府。秩滿遷四川按察副使。備兵建昌。建昌居平楚間。地險惡。六衛衛長日惟蠶食其下。以潤私橐。戎政久不修。應乾登壇下令。比什伍而訓練之。懸賞格以勵勇者。於是人人超距就節制。會土酋安忠死。忠妻鳳氏自請襲官。而從弟安信謀攘之。夷俗兄死則

妻其嫂鳳氏守貞不聽召家衆血戰以脫當事者寬信
不深誅而信益衡決自恣所戕害商民無數商民訴之
信自若月朔猶以戎服見而擁甲士自隨應乾所部經
歷黃清智士也應乾使之陰布部兵於外而令材官有
力者尾之入應乾臨陞立呼信跪堂下數以諸不法事
比令縛之信懾不敢出氣遂伸脛就絆而甲士在外者
見所布部兵按劒立如堵墻不敢動皆奉首竄卽檄鳳
氏兵擊其餘黨殲巨酋三百人境內始定而滇南鳳繼
祖亂起殺僉事張澤熾甚檄至應乾計繼祖娶於會川

故與連衡而會川者建昌所屬衛也先遣兵守金沙江以扼繼祖之至已而繼祖果以萬衆渡金沙遂合滇師夾擊之應乾躬擐甲冒矢石爲將士先士勇百倍遂破其軍繼祖以隻身跳匿山中不敢出向鳳氏故德應乾而其母爲繼祖所害每欲復仇而未發應乾知之密召鳳氏至授以方略使圖之鳳氏使間間其所親者爲內應而自以兵蹙之遂斬繼祖事平應乾當以首功論讓於滇師而自居其次兩省方以功上而江右直指撫其舊事誣劾之遂落職歸歸而着田間冠日召故父老

與論桑麻較晴雨絕口不談往日事而蜀滇兩督府石
忍以言者故沒應乾功謂應乾才兼文武堪大用珣四
五上有詔致仕仍敘掄安信斬鳳繼祖功兩拜白金文
綬之賜應乾卽以所賜金營葬於玉麟山陽北向稽首
曰臣死骨且不朽矣居恒神王無他疾亡何而疾竟不
起呼諸子訣曰古言之行不媿影寢不媿衾吾力茲二
者死不媿棺遂瞑年八十有四

吏部尚書陸與繩光祖

陸光祖字與繩平湖人刑部主事杲之子幼英敏不羈

八歲從其父遊道遇客語安南事祖曰是必克夫以望
天子聲罪討小夷如振槁然寧煩再計客奇曰是兒雖
小已有食牛之氣異日當以經濟顯嘉靖丁酉年十七
與父同舉鄉試又十年丁未成進士授濬縣令濬近塞
而衝民不勝役多轉徙祖奏併五十里爲四十里以
剔弊又爲設法築城以拒虜功成而民不知秋潦傷稼
祖涕泣呈兩臺皆以非時却其牘祖乃自具疏上之
甚懇天子惻然下部覆減稅十之三兩臺心不平不
能難也邑多輕俠爲盜橐祖把其宿負編之伍而討以

軍令咸請盡力爲耳目盜發輒得獨大盜李以平蓄異志不悛乘祖入觀肅崔苻中爲變祖歸授計立擒之邑太學生盧柟富而才先後令皆與昵後令至柟爲具饗令令不時至柟拒戶嫚罵令恚中柟麗大辟坐繫者十三年有司以其高貴莫敢雪祖至立出之柟爲謝祖曰我伸三尺爾竟不與見陶仲文以方技得奇寵勢張甚邑有李榮爲仲文私人橫行里中祖捕置之法仲文奉命祀邯鄲故出魏郊爲榮地祖不爲移獄而仲文亦莫能中祖內鄉王占長垣民田爲業民訟諸臺長安令嘆

皆不能割臺以屬祖。勸果民產立歸。長垣民庚戌虜闌人塞大司馬趙錦議。後三輔民築塞垣以備。祖持不可。司馬怒以撓軍興。劾祖屹不動。已復言於直指謂必後內地民莫若出錢與邊民如雇役法。直指上其議。竟得請三輔乃安。太僕馬少無以資戰士。下諸邑買補。馬價騰貴。祖故緩之。馬益集。所省緡錢視他邑殆半。令濟四年課高第宗人緹騎帥頌。緣上寵以要樞。引祖祖不應。得南京禮部郎秩滿之京。分宜嵩稔祖名。語人曰。陸君膺我符卿可得也。祖不往。會給事吳時來劾嵩。祖與

時來善，嵩憾之，欲以考功法中祖南冢宰王用賓力救之，得免。遂以母病乞歸。尋母喪，服闋，值嵩罷，起禮部郎。尋轉儀制司員外，守陵宦官張方進甘露請恩，祖却之。縣令吳府上方藥，欲邀寵，祖召至邸，責曰：「若儒起而拔幸哉官，以爲榮也。進以技，何榮之有？」府悔，稱疾去。景寧王入京，自陳設醮祝釐，有司邊維垣等毀牌位，不道。上怒甚，祖言：「王擅離國，違祖禁，宜有所懲艾，他羹非語不足聽。」上從祖議。皇孫生裕邸，祖請告廟，受百官賀。疏入，留中，有頃，賜聖母寶鑑，中外翕然稱祖。

有卓識。未幾調吏部司封郎。已轉文選。祖雅有人倫鑑。知天下士如別黑白。乙丑佐計汰黜。惟允不爲權勢假。而又憐才持大體。如蒲坂王崇古。仁和張瀚。嘉魚方逢時。出周王一鶚。肥鄉張學顏。皆掛人齒頰。祖力爭之。謂此皆大度士。可濟緩急。奈何以蜚語挫抑。崇古等得無恙。其後皆躋九卿。以邊疆績著。淳安令海瑞爲上賓。所排祖力明其志節。得授戶部主事。侍郎朱衡以才地自負。南司空缺。祖首推衡。衡方在列。色變曰。陸君南我耶。時祖已陞奉常。典屬國矣。衡嘆言者。論祖恣橫內璫。後

有從中構者遂得旨罷免居數年 神宗皇帝登極言者謂祖不宜久廢起丞南太僕歷遷大理寺卿以外艱歸服除起歷兩京大理召拜工部右侍郎初祖與江陵相公同年友善及江陵在政府祖引誼規諷甚切及奪情祖遺書開諭江陵不納意雖銜甚而未有以傷也俄論改折祖固請輕之江陵變色曰公爲豪地邪祖曰我爲菜色民爾寧知豪夫身忝大臣而民隱默不聞非夫也江陵語塞南御史張一鯤承旨論祖祖復罷江陵卒起南兵部侍郎尋轉吏部時諸後進皆文致江陵罪以

逢當路祖獨謂江陵府樞耳非弄樞也且擁扈綱繆其
功亦安可泯衆惡其異出爲南工部尚書力請歸又三
年起南刑部尚書時南都諸要官爭主獄祖曰獄法司
制也持不動主事劉以渙不受囑爲御史劾祖抗章論
御史妄言曰法官當使天下無冤民而奈何枉其屬哉
事竟白已改吏部尚書庚寅召入爲刑部尚書明年吏
部尚書闕廷推祖上雅重祖名遂拜吏部尚書抑僥
倖拔寒素正體貌一如祖宗朝故事戒閣者毋入中
消書時中旨用二臣入內閣祖言廷推舊制毋壞祖

宗法。上從之所推轂海內遺賢殆盡壬辰主計苞直
絕踪所汰黜卽親故不避或列臺省有時譽者亦不顧
已復請旌薦以示獎勵未幾疏用前建言主事饒伸御
史萬國欽失。上意有旨斥選郎王教等祖爲申救深
自引咎不聽會有乘此論祖者祖遂稱疾不出無何詔
許歸時大學士王家屏亦以爭冊立去兩賢同日出都
門觀者嘖嘖歎息云旣歸謝謁客兀坐小室焚香瀹茗
經旬月不窺庭丁酉仲冬得疾至晦日命具浴曰我將
逝浴已危坐而瞑是日海上星隕大如斗擊地有聲訃

聞賜祭葬如例贈太子太保謚莊簡祖自少有大志嘗書范文正公做秀才以天下爲己任語於衆以自勵平生推進賢才培植善類出於天性與人交披示肝膈杜絕機械富平孫丕揚向爲御史論祖祖曰孫公賢者寧有他吾誼當歸其言實玉成我矣殷勤謝之其後在事遇薦士未嘗不及孫也卒以大司寇起之御史陳登雲亦嘗論祖壬辰大計祖推陳掌河南道言論相惟若無纖芥晚年秉銓尤汲汲以引用老成爲事或曰何不登用後進爲將來地祖曰後進行當有知而用之者若老

成人漸逼桑榆不及今柄用終老岩穴矣吾何敢先身
謀而後國家自通籍以來六任六已強半丘壑未嘗有
所攀附至於當利害剖邪正遠識高節天下望如麟鳳
久而愈重且信蓋祖之學主於信心故亟建亟退略無
繫吝祖之心一於爲國故任嫌任怨不爲雷同可謂凜
然古大臣之風節矣

兵備副使陳履卿茂禮

陳茂禮字履卿慈谿人八歲善屬文人稱奇童稍長博
綜墳典至太乙神經奇門秘術無不通曉舉嘉靖庚戌

進士授工部主事壬子河決徐邳漕運沮塞直官議開
膠萊新河通南北海道天子下其議時當道方憂徐
邳幸海運或可必行大司空請以茂禮往視可否茂禮
歷膠萊觀南北所謂海道者上議曰石礮既難開鑿而
絕無他泉可引通舟必須穿引海水非掘地十餘丈不
可且航海必須更造海船而海寇方出沒諸利害有難
遠觀至於工鉅之難成又其小者於是議寢省大司農
金錢以億萬計未幾而鑄錢滇南之議起大司空難置
人復請以茂禮往茂禮日集父老于庭相與斟議長使

計估平允，多寬假，不責旦夕效，以與小民爭利。小民樂從之。於是鼓鑄乃定。歲以爲程，益大司農金錢以萬計。當是時，無不才茂禮而以大司空知人善任使也。丙辰，倭蹂東南，急甚。大司馬憂之，以爲非茂禮不克請改授。茂禮兵部郎，以叅謀軍務往。時倭困江陰久，知縣錢錚以戰死。督臣命茂禮往援。茂禮選銳卒三十人，駕小舟直進，倭奴舞刀跳躍兩岸上。我兵欲射之，茂禮曰：「不可。此誘兵也。」卽微服入城。次日，倭駕三十六舟沿城重載出江口，掛蓬如飛。最後三大艦，倭酋坐其上，見兵匝城。

外止百餘人遂棄舟登岸邀戰茂禮連發三矢殺其二
柁工又以火箭射其風帆諸倭還舟救火與前舟相觸
望許茂禮急檄水兵總張成張祚等邀截江口諸兵躍
而圍之茂禮屈指相筭曰尅在明日午時翌午果斬首
二百餘級而我兵無一傷者是時倭據沈庄爲大巢分
兵四掠萃於乍浦茂禮聞報卽督永順宜慰彭翼廟都
聞李經戴冲霄等官三十餘員由乍浦入爲右哨札營
未久茂禮忽見異氣起營上急令移營數十步倭忽發
礮震故營如蓬粉大小將吏惟聲震地勇氣百倍茂禮

乘而鼓之，躬率精銳突其中堅，且傳報各哨呼曰：「陳益謀已從南道攻破賊巢矣！」於是諸哨從之，無不一當其隙，遂大克斬首千餘級，而賊酋徐海殲焉。倭悉蕩平。時丙辰八月二十五日也。以功擢江右清軍兵備副使。姚源故巢賊盤據支蔓，食事尤烈，全軍覆沒，僅以身免。賊勢益張，而茂禮適下車，巡撫何願聞之，大喜曰：「賊不足平矣！」卽以兵屬茂禮。茂禮分左右哨三面進兵，約日同發，而獨空其要路一面，無兵潛令指揮某率精兵三百伏於某道側，戒之曰：「某日某時有衣色衣而奔者，皆賊也。」

爲我悉擒之。賊聞三道進兵，而一路獨無果，易服而逃。伏兵起掩之，悉平。撫臣上其功，擬峻擢，而前以膠萊議沮，諸臺諫者多不平，遂交章詆曰：「是年少喜事，務峻節，以邀名，可備邊方之用。」吳家宰鵬素知茂禮賢，乃改備兵瓊莞，而出諸臺諫於散地。茂禮屢疏乞身，不許，不得已冒暑往。八月抵任，以夜夢三老人，貌清癯而衣冠古雅，召茂禮與奕，蚤起見寺後三古梅，茂禮悟曰：「吾將去矣。」遂濡毫作梅花百韻詩，正衣冠而逝。時年三十三。所著有《大六壬十二卷》，行於世。

兵部左侍郎宋思文應昌

宋應昌字思文、仁和人、登嘉靖乙丑進士第、知絳州、陞
刑部員外郎、歷戶刑禮三科給事中、出守濟南、累官山
西河南山東江西福建諸藩臬、左右使、進都察院副都
御史、巡撫山東、陞大理寺卿、工部右侍郎、隨授經略、以
三品考、贈祖父如其官、蔭一子入監讀書、兵部覆本東
征功、加右都御史、世襲正千戶、昌少有大志、自爲諸生
時、卽以匡濟時艱爲己任、故文經武偉、無施不可、其守
絳州也、嘗奉檄查閭、寧化等關、目擊邊弊、登陴浩歎、及

官給事新鄭方以互市議邊昌卽疏陳撫賞不便者三
巡京營邊報狎至江陵以無虜對昌輒據謀以聞陳防
虜七事江陵怒遂出知濟南後累官藩臬忝伍諸軍事
未嘗以外補有怠心已而建節山東首請加意海防復
督衛巡司諸舊制談者目以爲迂未幾朝鮮告急廷臣
皆相顧咄咤歎服昌之先識而經略之命下矣壬辰初
倭奴舉六十六島之衆當劉倅倡亂之秋我方西討未
遑東顧倭奴突入朝鮮國王李昫走竄義州虜王子臨
海君肆順和君珪發靖康恭僖二王墓八道三京殘破

幾盡聲言內犯京師戒嚴詔拜昌兵部右侍郎經略薊遼山東保定等處防海禦倭軍務時經略創設大將軍李如松羈寧夏未至繕甲練兵儲糧制噐又倉卒未備詔書督促正如空手搏戰耳昌鑒空支吾不兩月而部署出關會遊擊沈惟敬使倭道謁昌昌曰我奉命討賊知有血戰耳汝毋以身試法十二月與李如松踏冰渡江惟敬復謁執欵議如初昌屬繫軍中不許更入倭營而議討賊益急正月兵薄平壤倭將平行長築飛樓鑿垣穴守牡丹峯以相犄角昌指授方略圍其三門外布

鐵蒺藜數重火器齊發毒煙蔽空吾軍舍解藥仰面肉
薄而上諸門皆破斬首一千六百四十七級焚溺死者
無算行長捲營遁回王京李如松輕其屢敗走探地形
猝遇重圍如松殊死戰斬金甲倭墜馬而楊元張世爵
援兵復至倭狼狽解圍走當是時王京聚倭有三十餘
萬且又當八道之中去釜山十五百里倭不退朝鮮不
可復也昌方畫依山俯攻之策而李承勛兵留於山東
陳璘兵奪於薊鎮沈茂兵遣還於浙江進不能策疲病
之卒退不能待救援之師夜令死士以明火箭射燒龍

山十三倉糧盡而倭始棄王京去昌又遣兵追擊至南
原與清正夜戰又追及晉州斬級甚衆倭自此仍還釜
山舊巢又復遠遁熊川西生浦蓋朝鮮之局始完而昌
亦乞骸骨歸矣歸之日王率光海君宴餞江亭高麗人
傾城相送至數百里拜泣而別是後也索回王子陪臣
官眷百餘人斬倭首二千三十級克復平壤開城王京
總還故地二千五百里言者顧以請封撤兵爲昌罪奪
其官夫倭封於乙未之七月昌歸於甲午之三月則請
封不在昌也昌留劉縱兵萬六千居守而朝議撤之則

撤兵亦不在昌也。昌提軍絕域，身經累戰，夏沐暑雨，冬
饑冰雪，食無鹽酪，臥無甘寢，乃不以驅逐朝鮮境內之
倭爲功，而以退歸金山海外之倭爲罪。此任事者負國
抑言事者負昌乎？假令倭終盤據開城，耽延歲月，薦
食畿輔，揚帆江南，王子不生，還朝鮮不再，造兵連禍結，
老師匱財，又將何以處之？昌方面紫髯目如閃電，東經
陸，上遣黃門陰驕昌風神警亮，器局岸偉，大喜得
人，賜金綺以寵行。比至朝鮮，又賜麒麟一品服。昌感知
遇，每以死自誓。戰勝之後，撫傷掩骼，招歸脅從，以萬計。

仍分兵屯守大丘南原慶州等處移檄國王斬塹挑濠築關置候修設善後之宜甚備行軍賞罰嚴明軍需節省僅支馬價二十餘萬揆事圖策出人意表每當百司使者咨請輜輳昌隨事裁決初若不經思退而熟議之則老吏宿將終不能易也婁江王相國錫爵論之曰經略外夷與邊臣不同邊有堅城可憑而海則與倭共之無處不犯則無處不取難一他鎮調兵必先主而後客老弱居半道路遷延難二邊臣伸縮自由而經略則空名客寄俯仰隨人難三羽書以風爲遲速語言以譯爲

往來難四朝鮮利於留兵不利罷兵倭來則貸手執仇
倭去則張小爲大飾緩爲急難五李氏盛滿人心不附
而又立萬金之賞懸封拜之格忌寧遠者并以忌公難
六嗚呼此公所以累疏乞休高卧西湖絕口不談東事
也然朝鮮陳謝有疏朝廷敘錄有旨何忍不一爲公論
昭雪而令忠臣孝子扼腕不平哉觀此而宋公之論定
矣

貴州按察使陳觀甫願正

陳願正字觀甫廣西恭政茂義之子舉嘉靖壬戌進士

出知金壇縣。縣多權貴人，能以其重持令而豪奴白晝攫金，侵奪人土地以爲常。願正首治之，犯卽傳法，無少借。更庶其豪喜訟者，創一二人以徇。頑民持牒至者，望縣門輒反走。久之，無訟，而縣稱大治。比代，將發，忽流賊入邑，亡所藏金。民間之競以私財抵所亡，無後時而權貴人以是泄其不平。遂中以白簡量移上蔡。上蔡俗務聞狼時，鳴鑼驟馬，殺越人于貨。願正殲其魁，嚴保甲，中要東道路以安。滿鎮地多沃衍，民假繕城埴爲名，侵二千餘畝。願正廉得狀，奪還官歲輸金爲廟祀，牽餽扉屨。

資省縣官費歲以千計遷大理評事先是司封駁者處持法之不咸寧能蔽以徇願正凜凜三尺辟則辟省則省所不與法比者駁亡數神宗皇帝初載江陵秉政務束濕金吾緹騎間引繩批根獲妖人王之奇當以不軌遷陞賞首從八十餘人俱論磔願正駭歎曰律稱不軌謂謀危社稷爾妄一男子左道惑人法當死彼蚩蚩者何知而與同坐再四駁之小司寇執不已以白政府江陵雅知願正峭直厲聲曰大理是評駁之司部擬未當頻駁何嫌刑曹始改之奇等三人爲首者坐死餘並

從杖遣有差，天下以爲平。歷寺副正，遷南雄，守值歲大
澇，啗民田數千百畝，虧賦額。願正請以梁稅之美足之，
遠邇繫額，稱再生。時大征羅旁，徵募驛騷，願正以萊菁
路雜，恐民越境，罔知或失足，投虎口，祇藉盜糧耳。上計
督府，請改折輸銀。募近民，遞運給軍，迄恃以無患。轉雲
南按察司副使，分巡安普，署在會城沐國之所彈治。儻
御關出爲奸利，亡誰何。願正飭躬率厲，一切以法繩之，
莫敢譁。外艱服除，補貴州威清道兵備。威清入滇孔道，
百粵西隣，茂篁懸棧間，酋長多黠猾，難治。滇臺檄捕叛

首總祭願正謀知繼祭與土舍隆串密乃召隆審搜方
略勅與守備丁繼文知州劉承範夾擊擒之俘於滇魯
溝當滇粵交粵首岑氏世雄其地時時剽掠爲行旅患
督府議剿之願正曰此夷祭故督可不煩兵而定乃議
行部遣檄宣諭國威責以大義岑悟輒縛戎首伏誅初
兩管分兵防禦官司其市有掠者輒械以徇洵首與斬
首構借兵安國亭報聞海利願正乃容遣潮陽守備發
賈澈洞夷兵遠殺事已而兩院慮撲擊大駭願正卽移
文國亭曰本官世受國恩何幸貸兵仇殺自杆文因此

必種落納賄弄兵以狀來安氏素驍勇爲諸酋冠忽創
官兵大慙省檄語開端委罪卽對使頓顙謝而逮一二
長官請命二酋聞之膽落蓋願正控制諸夷奉揚皇
靈實身以羔羊素絲之節至鎮斥諸司餽遺安氏奉八
百金爲壽扶其使加誚讓卻之迨然明之儔乎故寬之
則殘而承恩威之則弭耳伏罪進布政司叅政移守新
鎮無何而播酋楊應龍兵起兩臺將投艱願正因婦嬰
疾遂以齎捧歸御史大夫以避難論調明年大計進官
貴州按察使特予致仕歸而囊橐蕭然不能攜廳事拮

据九載僅完一堂家食二十年領袖諸簪綬而耻爲用
容長吏有疵政則趨駕往面正其過嘗自贊云無它腸
無逆履服官三十年不知有身居鄉二十載未嘗有已
載籍墳典供吾求青山白雲爲吾侶卒年八十有四楊
太史守勤論之曰嘗觀顧正之檄岑氏撫安酋與參政
公之定柳慶武緣事先後若合符節然奉政竟爲忌者
所掩而顧正亦絕口不言功不矜不伐固其家法也至
若勇退急流養高洛社閨門著雍睦之風燕居無媒褻
之色嚙齒不言人過而拙揚小善惟恐弗及其於表正

閭里洵若仲弓之於元方云

雲南布政司左叅政陳忠甫覲

陳覲字忠甫世家餘姚開原鄉登嘉靖己未進士第授
兵部武選司主事陞車駕司員外郎歷郎中尋轉武選
司郎中內艱服除補原官練達機宜材識卓詣楊大司
馬深倚重之出爲湖廣按察副使備兵衡永郴桂諸郡
會新寧徭寇掠江廣詔下命覲討之覲以兵餉方不
足而與蠻夷從事邊鄙重傷元元之命乃遣使者招撫
諭以威信徭人面縛降轅門願受朝廷約束誓無敢復

反者廣東賊黃潮祖等流劫郴州桂陽覲督兵擊之斬獲虜首以數百計招降餘黨悉平廣西賊常銀豹大駕樓船沂衡永江大掠諸郡覲又督兵殲之江上時兩廣征古田徭獍軍門檄覲爲備乃覲大振兵以張軍威聲聞八桂蒼梧間虜爲褫魄兩廣得克奏首功者覲特角之力居多徭人旣平則給土田立墾堡修城垣募勇敢足軍糧興學校明教化凡士風吏治民務咸幾靡弗經管者入賀萬壽節報政於朝先已陞雲南布政司左叅政而竟以勤勞瘁事積苦疾作卒於京邸楊大司馬

撫而哭之出涕曰使君須臾無死卽卿丞何足道哉乃
給驛遣官舁其喪歸故里先是陳公士賢有惠政於衡
永衡永人立祠祀之至是以覲配祀謂之兩陳公祠云
巡撫福建都察院右僉都御史金子魯學魯

金學魯字子魯錢塘人嘉靖戊辰進士授工部虞衡司
主事內管庫鑰出榷荆關俱以水蘖稱其剽姦剔姦甚
心畫一者載在令甲至今遵行之晉都水司郎中治河
張秋改禮部精膳司郎中出督楚學稱使者時江陵相
公方飭學政議別革勅已而魯烏鳥情深不能待卽策

奏出都門江陵不喜卽請遠制勅房官祓其職同官
慮及曾曾不之顧也及家而母疾方革得視飯舍以爲
勝三公遠甚何論督學服闋仍楚命時江陵所飭學政
以功令奉之矣其法首禁講學次汰生徒皆務一勿雜
抑剪棄之術以爲切磋磨礱道將在是而曾獨不以爲
然所頒教約首令講學曰學不講則師與弟所崇何業
第謝遊士封別館而設學明倫之堂環橋泮水之次月
三四集不厭也凡士抱牘求試懼于新令不料前曾一
試再試正收散收兢兢惟遺珠是慮士或以急于有司

有司僂以新法爲辭。訖魯令具副狀於其庠。庠師不暗以聞而輕重調劑之。其他如厭卹之周銓補之速。凡所以休養士氣者。無不至。而於江陵所申飭。則大徑庭矣。無何而奪情之事起。魯曰。是可令楚士見也。身爲楚士。先爲十揭以上江陵。江陵不之省。遂欲投劾歸。而適有滇南叅知之命。未幾。楚按朱璉之彈章上矣。魯喟然曰。吾固待此久矣。卽日歸。築別業西湖之浹。日奉封公林屨。爲詩酒遊。江陵尋歿。臺省交薦。補闕臬。仍鑄秩爲食事。其所司者。則屯鹽也。甫下車。卽首飭鹽法。次申屯政。

凡修墜去甚不知更幾而所獨創爲後人奉若著蔡則
簾、塩、編、屯二法也。閩人至今賴之。遷江右兵備副使時
江右歉飢民多揭竿稱亂巨室往往以擒勦請其流民
入城辟死巷陌者至不勝竈魯日夜含涕求所以散藎
待緩湏臾死者乃榜諸衢曰朝廷惜飢民不惜亂民其
急歸里甲以候賑濟者爲飢民其搶攘道途終不歸里
甲者卽亂民亂民行且斬矣乃急趨守若令射入里甲
家喻而戶曉之差等其所宜貸而人授一籤隨勅他吏
裹糧負錢以從而驗籤給貸籤行若流水而錢米之屬

不脛而遍一時之饑瘡塞亂者亦塞矣呼吸定變兩臺
諸大吏俱歛手以爲非冷公莫辨也他還道或議駢斬
亂民八十人者曾爭曰民聚求食詎曰亂乎卽以斬八
十人聞上上驚非常必不許無爲也他還道乃止量
移湖廣布政司叅政以外艱歸服闋仍得楚轄湖南之
寶慶時旱流殍載道至省卽發廩賑之次視墨吏次誅
豪蠹次告余隣郡次講義倉積聚而楊腹之民稍稍果
然由是而議辰餉議五開銅鼓之屯議班軍歲例議長
沙之黔餉議大荆郵政議屯田議比徵議倉解凡可以

造福地方者無不以身殉之卽犯當事之忌騰豪猾之
謗不顧也會至是已三入楚而蒞湖南且三載稱久任
矣縉紳士民無不信之如著龜戴之如父母卽一飯無
不喃喃頌祝曰此金公之所遺也績最晉都察院右僉
都御史奉璽書節鉞鎮撫閩閩固魯舊所撫循知其疲
而倭方蹂朝鮮南北驛騷魯乃蒿菑時艱日夜求所爲
事之鉅具棘者首簡戎器治餘隄練士補伍海備一新
策倭所出沒多在彭湖乃建寨置戍以遏其衝倭初至
令急擊不使得聚踪蓄力乘風窺犯屢有松下烏坵渚

嶼銅山及彭湖南灣甘山之捷自是倭不敢輕犯閩又遣間使諭薩摩君長義久等激以復仇圖秀吉義久感動密掣朝鮮中路兵歸東西諸路倭懼內變遂解而去以魯謀秘世故不盡知魯亦不自言也是月上偵報平首天亡疏當是時經略之師已老頒封之使方逃廷議且將有息兵棄朝鮮之說而間偵適至有旨令馬上差人傳示經略使之一意用兵東方之局所由以獲勝筭者魯之以也既不得與當時宣力諸臣同受賞格而顧以小事失直指意竟有冒劄請嚴之疏明年代者爲張

太常文而魯之功有不可湮沒者矣。一人里門卽以翰
身名教子弟回風俗明正學爲事。干牘不入公府而事
關地方利病者則不惜纚纚言之。時與諸宰官與蓮池
大師結放生社於西湖之三潭。游觴所到飛走游泳之
物無不爲之廻翔者。其仁心感物有如此。卒年七十有
九。有司以聞。賜祭葬恩蔭如例。

贛州府知府顧朝肅鈴

顧鈴字朝肅仁和人。嘉靖辛酉領鄉書。三上春官不第。
謁選學正通州。改贛榆令。贛榆瀕海地礪鹵其民皆窶。

御史應揚復疏申理始奉 旨准銷而曾之深謀巨伐
竟無有白之者。請代疏凡五上始得歸。闕太常丁敬澤
之言曰。金山之役。島夷兢兢。吾民以緩。三韓之師。境內
恒擾。先生巖棲坐甲。事事有備。倭得無南。最後倭遁歸。
則酋長龜鼉之報。閩實以精謀先之。閩功最奇。而錄者
後之心最苦。而忌者抑之。由先生一意公家。不能俯事
言路。遂見撻拾。嗟乎。安有大臣爲國家紓大難而簡髮
歟。米自同有司者。先生既不自明。閩人舌短。復不能爲
先生力明於朝。以歸居東之哀。閩負先生甚矣。悲夫。讀

太常文而魯之功有不可湮沒者矣。一入里門，卽以朝
身名教子弟，回風俗，明正學爲事。干牘不入公府，而事
關地方利病者，則不惜縷縷言之。時與諸宰官與蓮池
大師結放生社於西湖之三潭，游觴所到，飛走游泳之
物無不爲之迴翔者。其仁心感物有如此。卒年七十有
九，有司以聞，賜祭葬，恩蔭如例。

贛州府知府顧朝肅銓

顧銓，字朝肅，仁和人。嘉靖辛酉領鄉書，三上春官，不第。
謁選學正通州，改贛榆令。贛榆瀕海，地礫鹵，其民皆窶。

歲游苗鈴太息曰危甚矣抑何劑以起之乃悉意撫摩
爲斥滯廢易耕牛種粒辨稅稷所以異募南人之良
耕者導之力穡旦晚運行隴畝間隨所至坐樹下而聽
斷焉如是五年元氣乃還百姓嬉嬉以爲樂土考最召
拜福建道監察御史出挾粵西粵西入寨故挾六十三
山爲梗率三歲一剿十年則粵東西合剿謂之大征鈴
乃謂其開府曰八寨固禍首八寨靖則諸魑胡敢索死
草間且無弗畏死者旣寡矣乃虔劉吾赤子以克俘馘
若而臣固漏誅人耳吾何忍爲於是披腹示土司無不

向我願爲我奔奉者已而人果肆螫因命爲鄉導我
兵隨而殲之不兩月人羣平卒罷大征北省軍興萬計
活民命亦萬計願無吝諸誅者志何也尋以艱罷服
闋補江西道奉勅換楚已出都門矣中諛者言移贛州
守賴固多谿峒竊出殺掠人屬岑岡諸巢叛敗南雄兵
劫龍南定南二縣郡中震恐是時中丞某選懦不入城
守巡俱闕鈴毅然決計舍劍乃大發官兵當賊衝而陰
用土兵掩其虛遂擒渠盜王清等李沛迫乃降中丞某
聞已得賊而先所遣帥守兵者欲張其功又係帶老弱

及近境居民五百餘人。以啗中丞某。鈴曰：是何辜。盡釋遣之。止錄前所獲三十餘人。以正法。中丞某忿甚。而部使者又欲縱李浦。鈴曰：浦降在敗後。安可縱。竟梟浦。置於市中。丞某積不能平。遂肆其妒媚。妄作蜚語。而鈴無堪辭。齧遂弃官歸。鈴在公。不計私。在事。不虞詐。前或挈我後。或徇我。悉不顧。惟知如是爲盡。乃心怡。乃職。卽奉以周旋。已爾。顧直道難容。并勞臣若敵。屢每誦龍蛇之章。以爲歎息。鈴孝友之性。老而彌篤。平生急義若渴。其應人若響。無同戚屬。及所嘗知識。聲索周之。不以貧爲

解湖山詩酒間亦浮沉俗間然絕不受淄於俗評者謂
古人腎腸先正儀矩云卒年七十有二

都察院右僉都御史鄭

汝璧

鄭汝璧字

縉雲人登隆慶戊辰進士第初授刑部

江西司主事轉雲南司郎中雲南司典畿內諸錦衣緹
騎主緝不法者健役貪功以鷹擊毛鷙相師獄辭多誣
璧一一反之凡令衛校不得入署門宿得無所盡其辭
時江陵公初秉軸銳於求才聞璧治狀以爲絕倫欲調
璧銓部銓部忌璧能以璧來或出已上得儀司缺急調

之儀制與文選職方京都所謂三大郎者也。未幾竟調
驗封丁丑大計則矢心以黜不肖有一二犯公議其人
方走首揆門下蹤跡甚暱自謂立致開府已而榜出皆
黜去聞者皆服未幾轉文選屢任日卽題推典史故給
事中趙參魯以推官超擢福建提學僉事同署皆謂涉
大奇而壁不顧也其作用大都如此時時語人曰天下
才自足供天下用持兼者未能無私然慎弗以有私待
之忝伍事勢以資與才與地相提衡焉而私無所容矣
當是時江陵有私人在留都急欲內轉資亦適及而壁

力持之時江陵當軸五年諸隙未開自謂無絲毫玷缺以正論格之方且欲攘善曰此正我意是以壁在選司稍得行其志所推舉悉合士論無何而奪情議起大防始決裂矣壁乃力裁楚人所求多不遂彼黨恨壁次骨云此自我戶內短長何容汝外人持之前此無由生隙故默然相安自此則藉藉議壁短矣相君雖內弗能堪然自謂已所獨拔恐見短於彼黨又恐盛摧之名反歸壁故但停壁俸猶委以選事踰年仍陟壁太常寺少卿然不數日卽謫外癰以潰不得復留也出爲福建右叅

議遷廣東副使轄瓊州。是時權貴多嫌壁。壁自列卿出。又嘗與選。乃遠宦海外。怏怏不得意。遂抗疏歸。久之起井陘兵備副使。尋改赤城叅政。赤城在上谷。最北。直懸出塞外。三面皆虜。虜情最劇。壁不以邊地爲苦。不以遠徙爲憤。至則以軍容肅下。時衣袴褶。與諸將馳走郊原。較射講武。以爲樂。部下卒伍。則日令投石超距。校其勇怯。而進退之。每出號令。旗幟一新。虜聞之。匿影以避。曰。今叅政非昔叅政比也。當是時。虜酋雖稱臣。久雖邊塞見以爲少事。然虜性難馴。時時小爲劫。前此者。恐開邊

彙多委而忍之。壁則縱騎兵斬其首虜，執爲辭。壁曰：汝爲逆，安得容汝？且我中國人爲盜者，皆殺無赦。況爾醜虜耶？虜懼服去。晉河南左叅政遷榆林中路按察使，轉山東右布政使，尋晉右僉都御史，巡撫山東。是時河南山東皆大飢，壁加意撫卹，諭郡邑權宜通有無，給錢米。又命諸市集具饘粥以待餓者，委任得人，給有次第。飢民咸飽，所活六百三十三萬有奇。時倭奴破朝鮮，駐釜山者幾二年已，人謂東土隔一水，揚帆卽至。耳壁乃募標兵調浙兵以東，伍法整齊之士皆可用，備嚴而民不

驚會中南臺誣劾改南京聽用而適以外艱歸服闋起
南太常少卿擢右僉都御史巡撫延綏延綏故所官地
悉請其形勢要害兵爲天下雄諸材官多舊所識拔而
心管任之者故指使如意虜囚炒兒忽明愛等寇孤山
紅崖墩大帥李如樟擊敗之火落赤犯安邊大帥杜松
破走之復窺懷遠遊擊沈應蛟戰却之皆壁發蹤指示
功也賜白金文綺晉兵部右侍郎兼僉都御史總督宣
大山西軍務甫履任而疾作遂疏乞骸骨三請始得旨
准回籍調理行至山東荆門驛卒於舟中得年六十有

二計聞，卹贈俱如制，尋以延綏軍功，廕一子錦衣百戶。世其官，壁博學多藝能，而於吏事尤長，見吏跡輒取，亦不硜硜，必欲行常以虛平待之，所至靜默，弗炫露，若值其機合，則斬然斷行，久遠功頃刻立就，已過則如無事，然待人無纖微徇，而能曲體，悉溫然推誠，屬吏莫不惕惕畏，竟無怨者。內行修謹，門內怡怡，族黨俱食其德。所著有律解、帝后紀略、諸王表、功臣封爵考、臣謚類鈔，并庚由堂集，凡若干卷，皆行於世。

右僉都御史江上振鐸

江鐸字士振、仁和人。提學僉事昕之子。以忠孝廉節世其家。隆慶庚午領鄉薦。神宗皇帝御宇之二年登進士第。外艱服除。授刑部主事。掾吏重足立不敢上下。其手錦衣帥獲盜七人皆坐死。鐸察其寃咸比輕律。帥者江陵相公里人也。江陵爲調旨事已經廠衛前決。法司第傳律例毋輕異同。鐸曰如然則一廠衛足矣。焉用法而法司又焉用余。遂請急歸里。後二年起補兵部主事。晉職方員外郎。出守福州。時鎮兵脫巾而呼庚癸。江門勢且不測。鐸諭之立定。至是用親嚮撫某誘執古

田盜張廷希案誅通奸大猾湛自正等一十六人皆不
動聲色而搯縱如神人以是知鐸有文武材擢湖廣按
察副使備兵費江時倭寇海上勢將入吳鐸乃簡武力
傍樓櫓時秧耨示民有備而已不預爲動以擾民而時
議謂江淮咽喉宜簡材臣專鎮其地於是鐸復以山東
叅政監軍事駐淮揚孜孜繕備一如在費江時倭聞有
備不敢犯改山西叅政備兵易水易水責備虜視備倭
雖較遠而民脂剝於權使軍興輒乏鐸所以調停計處
者其拮据倍苦未幾晉按察使治兵易水如故無何而

經濟

卷之二十

五

光碧堂

播首楊應龍反於蜀滇楚騷動朝議偏倚界黔楚間宜
設重臣仗鉞鎮之鐸於是以前都察院僉都御史開府偏
沅得專征討當是時督府李化龍及各省鎮諸路部署
久定而鐸府獨以創設兵餉落落所以拮据者其難百
倍易水某日師次黃沙岡分軍爲兩翼一軍白泥一軍
龍泉夾攻板角關破之再進破瑪瑙長坎保子等國奪
枯竹關進克青蛇岡又克趙生岡遂入三渡關乘勝直
攻海龍國海龍於諸險中爲最賊負嶮以拒我是時暑
雨甚莽菁中多重嵐毒霧我師又以深入餉不繼鐸乃

改長運爲接運每三十里設一營置運卒數千前運未
行後運已東載待矣士乃宿飽援桴鼓之以六月六日
奪海龍國應龍繼死俘賊親黨二千餘人斬首六千九
百餘級露布以聞天子方下璽書慰勞而母太宜人
與子世卿之計相繼至鐸五內崩裂哭不成聲洒泣上
訴請放歸守制而廟堂以皮林苗八洞諸蠻爲梗日久
命鐸姑留移勝兵擊之薦人自代不許不得已旋軍龍
陽語諸將曰皮林外有衝內有險諸苗營窟甚固非先
以文告解散凶黨渠魁未可旦夕授首也於是下令禁

妄殺開招撫明賞格戒驕擾期進攻而又嚴禁各軍之
掩陷奪圍者師遂進沅州次靖州命陳大將軍璘以勁
卒衝其中堅別出奇兵縱火攻一鼓破龍岩賴濟濟者
諸寨再鼓破特洞老皇甘坤諸山八戰八克皮林湯平
捷聞詔璠師璠始得脫身歸首次歸二年而疽發於肘
遂不起年僅五十有六死後一年天子欽兩征玠特
旨贈兵部右侍郎賜祭葬廕一子世襲錦衣衛指揮僉
事璠生平慷慨以名節自喜然坦衷率行不務爲溪刻
居常籌邊事戰鬪攘臂朝士疑信半之及其用兵如剽

黃不踰年而平兩大寇、稱不世功、抑何神也。且內行淳謹、敦舊睦族、與人語、煦煦然、無論識不識、皆稱之曰江佛子。又何修而得此聲於閭里間哉。夫卮言誇節、易舉耳。試徵功於邊、徵行於鄉、支左誦右而盡露其覆藏者、無筭也。若鐸者可謂才德俱兼、聲實相副者矣。

僉都御史陸無畦萬垓

陸萬垓字無畦、平湖人。登隆慶戊辰進士第、任福寧、兩平倭亂。當事者擬上功、因忤權相、處冷官。復上書論封事、出守蒼梧。兩擒峒猺、以不殺爲功、招撫叛夷百萬、闢

東安西寧二縣至今呼爲陸父尋以滇緬大訌當寧推才望拔之滇躬冒矢石人不毛之地下龍川擒岳罕收叛卒聲振西南擢總閩臬首發開白奸得有備無患轄晉持貢市之平虜款閔焉以功開府江右一切去煩苛革問遺課農桑躬教化築圩千頃積穀百萬兩賑大荒全活不可數計朝夕經營至忘寢食竟以盡瘁歿於官天子卹祭贈官俱如制萬垓生平爲善必慊獨知施德不斷人戴衆所附者垓獨避之衆所畏者垓獨嘗之自起家進士至開府三十年里中未嘗知有陸中丞也至

其孝友天植。講學著書。尤表表爲後學山斗。事功學術。一時並著云。

巡撫河南都察院右僉都御史鍾維新化民

鍾化民字維新。仁和人。其母夢蔡忠惠襄而生。岐嶷多奇節。動輒以賢聖自期。少爲名諸生。試輒高等。年四十始成進士。出宰惠安。察民疾苦。次第施行。或著爲令。以垂後。時洛陽橋壞。渡者苦溺。橋工鉅。且架海難爲力。民毅然修復之。旣克期。爲文告海神。海不揚波者五日。人稱神明。及更新蔡忠惠祠於座前。土中得碣云五百年。

後爲情濟所折，樂我者其維新焉。適與民字合，而民之
祠謚又適與蔡合，先後一揆其生也。有自來云：歲苦旱，
民齋戒步禱，甘霖隨澍。凡至再，皆響應。時直指行部，所
在持枯苗告歉，入惠安則穰穰滿車。迨出境，則枯苗如
前，直指惟徵其故。旁邑百姓具訴，民平日庶且仁及處
臬，狀直指大異之。繼績舉清憲第一，移劇樂平。其治狀
視惠安益精核，凡事無端緒，獄無左證者，無不迎刃而
解。民令兩縣凡蒞事，有對越錄所舉行悉於月朔望焚
香贊之上。帝時時親歷村落，爲百姓諄復說。高皇帝

六諭。曷以孝弟力田進三老詢利弊。凡有益於民者。挺身持之。不少回時。稱爲三不要。謂不要錢。不要官。不要命也。課績亦如惠安稱第一。以蕪能卓異。拜山西道御史。時建儲未。有萌芽。民首疏請定國本。奉命視陝西茶政。條塞上八事。適虜關入內地。關中震動。民授籌主者。勒兵乘障虜驚遁去。皆榆飢。令所司虛倉。廣發賑。然後奏聞。全活甚衆。遷按山東。時旱魃爲災。下車卽慮重囚。出寬繫百餘。悉倉穀行賑。亦先發後聞。所歷必躬職。雨隨車下。蝗起顧天。以身代稼。蝗盡。隨太風入海。推轂屬。

吏已事竣必戒毋以牘書相聞曰奈何假國家駁吏法
爲臣子市恩地耶爲忌者所中改行人俄遷禮部主客
司員外郎會三王並建之議起乃移書責政府尋露章
劾之疏陳早建皇儲爲天下本開胸待斧終寢其議
改儀郎潘藩請王孽子上許之民以執掌持祖制不
可至札傳示者再民竊念上得無以藩爲地乎爭
愈力上曰第與虛名令得藉以婚娶民遂危言曰惟
名與器不可以假且陛下視藩藩與元子孰親藩
濫不卽封慮妨婚娶元子不卽立不妨預教乎何緩

急厚薄之相反也。

上見之震怒已批二字矣復拂筆

於地繞柱走有伺者馳報執政執政以下皆駭懼有詢
民復事者民談笑賦詩有五鳳樓前堪洒血莫收吾骨
葬江邊之句。上還悟遂罷前旨自是上知民忠思

有以大用之矣民日夜以未定國本爲憂至廢寢食後
漸得要領密爲旋轉事頗秘孫家宰丕揚廉知其緒嘗
遇民而拜曰公真社稷臣也尋改光祿丞時河南大飢
炊骨相食廷推往賑非鍾寺丞不可上命兼河南道

監察御史假便宜行事請積藏金三十三萬兩事例銀

七萬兩、留漕糧十萬石、倍道入境、集羣策、晝夜籌畫、糾
縣令廢閣、明旨者一人、遣戍諸司、望風動事、其法多
開粥廠、廣備糗糧、卽里中擇素封賢良者主之、就便安
插、以活垂亡者、民時散騎從、羣騎遍歷州縣、過村墟、慰
問貧獨、所至卽食、救飢、粥不費、供億半錢、其不能就食
則散銀給米、周之、病者擇醫施藥、流移不能歸、則計道
里費還之、上所興發、不能贍、乃多方疏請、加額、積奉
足、則倡義以勸富室、富室皆響應、莫不家爲給、人爲施、
初有司禁糶、米價騰踊、民急弛其禁、蓄米四出、價頓減、

時有大盜聚南汝間，禍幾不解。民親入其寨，招厭渠魁，使護米商，自效盜平。粟美所全活，益不可數計。乃倣鄭俠流民圖，作棊荒圖，說籍手以報命。天子得旨褒嘉，勅吏部優叙，遂轉太常寺少卿。出撫河南，時中使嗜命，開採爲奸利。上疏力爭，不報。而諸礦盜遂乘霧羣起，行亂宛鄭間。又河賊擁衆，阻巨津爲險，肆劫掠。官兵弗能制，民親督將吏設方略，擒斬亂首，餘皆解散。境內以平。因念中原爲心腹地，桑土綢繆正在今日。於是選材官，比騎射，日討軍實，而訓警之。又身爲拊循，不六月而

周歷八郡、所至延見吏民、詢所宜振革、汲汲施措、不啻
以身徇之者、比還鎮而疾作、猶力疾坐堂、壘簡閱什物、
衡其騶廢而課殿最、其胸中固思一得當而樹百年無
事之伐也、尋病增劇、遂疏乞骸骨、上優詔慰留、會三
殿災、卽痛陳修省、并模寫開採情狀、繪爲圖說而疾遽
革、前一日、姚御史思仁往視疾、惓惓道吏治將材、無一
語及私、中州聞民卒無問男婦老小、皆哭失聲、廢業罷
市如喪所天、相與控於姚御史、爲疏於朝、予祭褒卹、越
三年、宗室縉紳以至士民、復控巡撫曾如春、巡按崔邦

諫請祠享贈蔭兩臺上其狀下所司議禮臣以恩蔭後
咨吏部題覆祠贈上特賜祠忠惠出自宸斷不由
撰擬贈右副都御史春秋道布政司堂上官致祭永爲
定制蓋異數也民間道甚早一以典起斯文爲已任正
色立朝不顧利害尤崇理學重節義汲汲表揚以風來
世其爲政以育人材興學校爲首務嘗爲當局立衡審
任事後覆按之不棄錙銖而獨不喜世之立門戶分異
同者故交徧賢豪而中立無所倚性坦夷任自然平生
不見疾言遽色至於辭受取予一介不苟作縣令時日

啖黃、蓋衣布衣、按秦齊、每過驛、通所供止限兩豆、迨授
節鉞、猶蔬食布衣不改也。夫其自學而仕也、處則爲醇
儒、爲師表、出則爲循良、令爲名御史、爲國家重臣、卒能
護定元良、以至調時政、軫民隱、所至功見言信、券如
反掌。此則生平誠正之學、有以通徹天人、故能爾耳。豈
獨練達經濟而已。今上贈辭、褒之曰、白簡批鱗、樹風
標於柱史、青宮補衮、定國本於儀曹。又曰、匡時正學、濟
世真才。蓋知臣莫如君云。所著有讀易鈔、日省錄、體仁
圖說、勵學編、私淑編、數言大旨、經濟錄鈔、應變錄、孫子

批評親民類編求生錄中州政書各十餘萬言

江西左布政使沈箕仲九疇

沈九疇字箕仲鄞人丁丑進士釋褐刑部雲南司主事奉命審決江南多所平反遷山西司員外郎歷郎中時有武人爲某公營爲大司馬者詭得之而是公實弗知也是公人望宜自得而武人爲居間者所賤墮雲霧中司馬不見德武人又無以見功其先所行錢乃貸之中貴者中貴索之急武人乃自剄訟於司寇以屬九疇九疇曰此事何可竟也乃呼兩家喻之曰必訟乎失者逾

矢死者徒死司馬故無傷也。或一旦聞而震之若何。而家相顧泣而散。遷江西按察司副使提督學校條補其章程下十三郡而以次校之。先爲約學使者按部卽臺使者移不得入。入告安直指以故人子置書移中。此時爲弗聞也者而榜出然後入之。謝曰其不敏無得放其區區卽幸而列某亦不敢居功。故江右士大夫信其真不私一人者終其任無敢干先是迎父就邸中養。遂四川右叅政乃奉父還里。而上書陳情曰臣有父春秋九十有二耄矣無人蜀理臣又不忍心絕裾願終養

上惻然俾以左叅政仍領江西於是復奉父往與二三舊遊論文道故時時問民以利弊而興除之歲餘以父喪歸服闋除山東左叅政分轄青登萊三郡萊故濱海時卉衣入朝鮮戒嚴一夕道路負携走莫可禁歲且飢民枕藉死無筭九疇白狀於臺使者撤南歸兵若干城守而南兵新從朝鮮來驕甚乃陰譏民若之廣狹署其門曰某某寓某約法豫禁之犯無赦於是衆各就逆旅無敢譁又時時討而訓之民以無恐而平度州民聚爲盜以聞報至九疇無然曰是殆蚺疆子不屑一簞者耶

卽爲檄諭之。單騎馳而往。往則衆大驚。以爲公何自從
天而降。後相傳語曰。公至。我輩生矣。於是得首亂者。械
之歸。而縣官復繫二百餘人。九疇下令曰。民以飢故脅
於衆。奈何窮治之。其縱之就業。衆乃帖然。更條食飢法。
密上臺使者。請便宜行之。是時上念齊魯災。賑以內
帑銀錢。然未至也。九疇曰。必待此者。是索民於枯魚之
肆矣。虛聖恩。滋吏罪。請貸所在。應內輸錢。亟散之。民
以是甦。未幾以入。賀行老穉男婦皆夾轂焚香。遮道
號呼不絕。懼終不來也。而九疇亦遂遷四川按察使。以

去改陝西右布政使尋遷左先是者以墨去九疇廉懷
冰蕪一意撫循慨然曰吾安敢使家有長物悲予孫非
禮哉中使以權至先遣詔兩臺使者曰藩臬大夫郡邑
長吏皆來迎勅九疇揚言曰是勅中使非勅所守土
者也無往迎故事且勅在我輩不以多乎而誰與遇
乎中使聞之氣已索矣比入境不爲禮一日移書來自
稱予九疇叱其使曰若中貴耳烏乎稱予也惟天子
稱予一人高皇帝起吳時稱予若烏乎予中使聞之
大駭謝罪唯唯又一日移書稱詔視藩臬九疇第以籍

經濟

卷之十

李

光碧堂

視之中使之始來也。詔上稱江右歲可十四萬金。既至而靡所措其手。甚恐。就九疇問計。九疇曰。君自奉勅。吾何知。居數月。計所入不能什一。愈恐。數走謁九疇。以冀指導。九疇曰。若果如吾言耶。頓首謝曰。幸甚。九疇曰。若來甚謬。豫章地瘠而民甚貧。必取盈毋論。釀禍卽鬼神不能辦。必不得已。歲可五萬耳。中使踉蹌下泣曰。吾何以保吾首領乎。九疇曰。吾慷慨喪言畢矣。若自評可。吾卽貸若數千金。助若進。不可。吾更無計。中使溫而自念。迄無復之。請臺使者請益。九疇曰。吾業已折之矣。

無已則益之萬取原數之半不可復益也於是致所請而令其與兩臺使者共疏祈減額甚哀竟得旨中使驚且喜以謝編諸歲入而民始少甦庚子入覲陛見得寒疾卒年六十有八九疇性樂易寬大居常不與人爭功名之際尤爲澹然所經歷好視其形勢考其沿革或咨詢所及歷歷指掌而卒未嘗以是爲矜詡爲人解紛片言中窾治官雖甚紛錯立辨而下無所行其好事父母至孝待昆弟子姓嚴而有禮貧乏者分俸養之真人不亢亦不屈手不釋卷博學工古文尤長於詩所著

有曲轅居集雜詩文共若干卷藏於家

山西恭議項廷堅德機

項德禎字廷堅故大司馬襄毅忠之耳孫泰藩篤壽之
子才情奇宕不能俛首鄉序去遊成均輒冠賢書以進
士初主屯田政督易州山廠奏績晉屯田郎時少陽未
定主上特祖訓立嫡三王並封議禎舉祖訓全條力
爲疏解見立嫡之訓謂三子無嫡必出自親王嫡子乃
後入臨皇上三子在膝不應引無子之訓爲辨疏聞
出中不報而並封旋寢羽翼定傾夾日回天張留侯後

梁公不是過。未幾移職方。尋以山東食憲備兵于嶺。以馬箠擊地曰。前所難事。無虜昂若者。俄而昂首七騎。繞石門。禎謹伺之。生縛小郎。見歸昂首。戀小郎兒特甚。旦暮叩關泣請遣子來。暈大及夷人拱只等乞鑽刀貢。賞以還小郎兒。朝議以一昂部何足係中國重。輕禎乃裂背以爭。謂來賽拾喇昂妻昆弟而卜彥。趕兎分據東西。擁強各萬。昂首所向便足爲重。何謂可輕。矧開原宰賽旣已許款。青把都死復與金繪昂獨何心。而可空言相繫。瞻前盼後。星夜熟籌。示以約束。例與之物。利其半。

票許之數。枉其全給遺之見。額分于三年。誅七擒之三。以示威稜。縱小郎兒。還以寬膏斧。蓋不待控弦鳴鏑。弄虜股掌。上諸夷。偃侮畏慕。解辨軟血。不敢向薊遼。發一矢也。計所省五貢。雜賞萬三千有奇。而薊遼終歲行糧。亦復稱是大司馬忌其功。中扼之。遂有蜀藩之命。先是。禰方候代海防營兵三千散歸。叛者九起。禰密謀馴叛。厥角爲崩。給資遣還南。軍過里。望門搶地。咸謂非公。茲至今日。禰旣得代。文法吏毛舉稽程。落職三級。踰年。以樞昂平叛功。復官。官密雲如薊密所轄古北石塘。

故皆虜衝自、撫昂後、雖稍稍休息、上下相蒙、每詐傳烽警、以邀首功、禎按實律之、終禎建節、靡敢訛言者、時東封事竟、征倭諸軍入關、禎上言、樞府得從六議律、遣還將卒、歡舞應聲而散、又條筭商之例、代唬船之粟、發通倉之藏、以給三韓之餉、以起阨羸之黎兵、民戴之如戴慈母、尋移潞藩、失中丞旨、而藩邸宵人武弁、奸細墨吏、復譖訛萋菲、下石交傾、直道牴牾、恚然中疾、乞骸歸、禎入仕二十餘年、履歷疆圉、障塞居其強半、所爲籌畫、虜情燎如指掌、析衝樽俎、不戰而屈、方畧恢恢、目牛遊、

至於練兵實給糧餉選材官斥奸宄備要害諸可舉擡
懲庸靡不具備迨歸卧三載猶手輯北虜三封翔實諸
書蓋胸中數萬甲兵借此以少舒發耳積意氣襟期寬
蓋一世局大才宏心虛氣壯特以疾惡太嚴嗜善太亟
然腸取憎不究其用論者惜之所著有續名臣錄于肅
心拒和許貢記襄毅年譜楊襄毅年譜南舷紀事漁陽
德陽公牘副在方慮編易州新志火政記諸書藏于家

兩浙名賢錄卷之二十終